

Li Sopraconsoli veramente che da anni 15 in qua sono stati in quel officio, et hanno alcun danaro appresso di sè de rason de sopra abundanti predicti, debano da mo', fra termine de zorni 15 *immediate* sequenti, haver portà et consignà al Camerlengo de comun tutto integralmente quel danaro soprabundante in mano loro restato, da esser modo similmente restituiti a coloro in chi el die' pervenir, sotto le pene di furanti, et de esser commessi a li Avogadori de comun extraordinari che contra di loro fazino lo offitio suo.

Et perchè, nel tempo ch'el nobil homo Jacomo da Canal era podestà et capitano a Mestre, el fu formato processo contra alcuni hebrei che furono denunziati haversi portati nel dar usura troppo dishonestamente, *cum* tuor 25, 30, per cento; la copia del qual processo fu portata a la Avogaria, nè fin qui è
105* stà data alcuna expeditione, però sia, per auctorità de questo Consejo, comesso a li Avogadori presenti, insieme *cum* quelli che intromesseno questo caso, et *cum* il presente podestà di Mestre, debbano espedir fra termene de mesi do, et non lo facendo, quello sia et esser se intenda commesso a li Avogadori nostri extraordinari che lo debano veder, et con li mezzi de la justicia senza più dilation expedir. 138, 9.

106

Exemplum.

Die 8 Novembris 1516, in Rogatis.

Consiliarii, Capita de Quadraginta:

Sier Johannes Trivisano.

Sier Marinus Sanuto.

Sier Gradenico.

Sier Federicus Raynerio.

Sier Andreas Fuscuro, *Sapientes terræ firmæ.*

Essendo, accressuti et facti molto populosi i luoginostri de le Gambarare, Dolo, Moranzan et Botenigo, conveniente cosa è che quelli fidel nostri habiano comoda administration de la justicia sotto el Dogato nostro, per esser dentro dei termeni de quello.

L'anderà parte: che *cum* el nome del Spirito Sancto, nel primo Mazor Consejo, et 4 man de election, sia electo uno Provedador in ditti luogi, el qual habia per uno anno ducati 200 d'oro netti per spese, dei qual el non sia obligato contribuir, nè mostrar conto alcuno, da esserli pagati per tutti li dicti luogi per estimo, et al simele siano libere et nette le utilità sue. Habia a condur *cum* si uno can-

cellier *cum* salario de lire 200 et uno cavalier *cum* lire 100 de pizoli a l'anno, da esser pagai per estimo *ut supra*. Habi administrar justitia in civil et criminal, secundo la forma de le leze nostre de qui; ma i danni dati, combiadi, meglioramenti et tutte altre cose rurale, habia a judicar secundo la forma de le leze, statuti, ordeni et consuetudine de la città nostra de Padoa. Et le appellation se devolvano, sì in civil come in criminal, ai Zudexi de appellation de questa città nostra, come se observa de le appellation de li acti civili et criminali, e i podestadi de le Contrade. Le condannason veramente et contrabandi, che per suo mezo se ritroverano, siano divise tra la Signoria nostra, esso Provedador et sui oficiali, et l'acusador, se acusador ne serà, per terzo; et non ne essendo acusador, sia diviso quel terzo la mità a la Signoria nostra, et l'altra mità al dicto Provedador et sui oficiali.

Et perchè è conveniente che questo rezimento
106* habia el modo di poter administrar justitia et metter freno a li tristi et facinorosi che perturbano el ben viver a li boni, però sia preso: che sempre che l'occorrerà bisogno, ad ogni richiesta del dicto Provedador, siano obligati li Avogadori de comun, Signori de nocte, et qualunque altro magistrato, et medesimamente il rectore de Padoa et de Mestre, mandarli de soi capetanei et ofitali tanti quanti da lui serano rechiesti.

Per habitation veramente del dicto Provedador, sia in facultà sua trovarsi una caxa in qual loco più li piacerà di la sua jurisdictione, pagandosi lo affitto del suo, senza dar altra spesa a la Signoria nostra. Et la presente parte non se intendi presa, se la non serà posta et presa nel nostro Mazor Consejo.

Fu posto, per li Consieri, Cai di XL e Savi a ter-
107 ra ferma una parte, di far nel nostro Mazor Consejo, per 4 man di eletion et per scurtinio, uno Provedador a le Gambarare, Dolo, Moranzan e Botenigo, con ducati 200 neti per spese a l'anno; fazi raxon in zivil e criminal; stagi dove li parerà, pagando lui el fito; sia tenuto aver uno canzelier lire 200 a l'anno et uno cavalier lire 100 da esser pagati tutti per lo extimo di diti lochi; fazi raxon secundo il costume di Padoa et le leze; le apelation vengino in questa terra; possi aver quando li achaderà li capetanei di Avogadori, Signori de note, et di Padoa et Mestre, con altre clausule. Et lo ne feci azonzer una, che non se intenda presa si la non sarà presa et posta nel Mazor Consejo. Sier Nicolò Trivixan el consier, messe indusiar, e sia consejata in Colegio questa al-